

# NOS FUTURO NAN CU LO BAY BRIYA MAÑAN



Sulaika Bareño reina infantil saliente a marca historia durante su ultimo presentacion den e eleccion di reina infantil. Sulaika a presenta cu un tremendo speech cu frasenan bon hinca den otro, y loke a hopi hende keda boca habri ta cu Sulaika a demostra su inteligencia y talento. Hiba su speech vivo y directo. Ultimo temponan hopi reinanan saliente ta grabanan speech di antemano, locual cu Sulaika no haci y a demos-

tra cu e tin un memoria increibel pa su edad. Tambe Sulaika tabata un digno reina durante henter aña, di a bishita y a regala regalonan na Casa Cuna, y tambe a representa Aruba dignamente na Curacao hunto cu grupo Pierewietje y Flash. Durante su compromisonan den comienso di carnaval e tabata bon representante pa nos per na ora. Pablo a ta un bon ehempel pa juventud en general di Aruba.



Melony Paesch nos flamante reina infantil 1992. E potret spontaneo aki DEN AMBIENTE a sake algun rato prome cu e la wordo gara pa e prins y pancho. Asina Melony tabata smile henter anochi y no a para keto ningun rato. Tabata un trabao sumamente dificil pa e huradonan, pasobra tur e 25 candidatanan tabata cada un riba nan

mes un princesita. Pero lamentablemente ta un reina infantil nos carnaval mester, y a toca na Melony e honor mercedamente pa ta nos reina infantil di Aruba 1992. DEN AMBIENTE ta hopi sigur cu Melony lo bay ta un digno reina infantil di Aruba, y lo bay parti hopi sunchi mañan durante carnaval.



Mighty Jojo Roadmarch king infantil lo bay demostra mañan pakico e ta e Roadmarch king infantil di Aruba. DEN AMBIENTE ta spera

cu despues di carnaval e joven aki lo sigui den farandula y lo haña sosten cerca e grandinan pa asina e por sigui desarolla su mes den musica.



Mariety Werleman reina juvenil di tumba lo bay "Dun dun ahe" mañan durante carnaval di mucha. Mariety ta nos futuro estrella y Aruba lo bay sigui tende di dje durante

aña, pasobra Mariety tin hopi plannan despues di carnaval. Ban aplaudi Mariety mañan y dune animo pa e sigui trece dushi canticanan pa nos juventud.



Mañan nos tur lo bay "dune tur su apoyo" durante carnaval di mucha. Sulaika Croes reina infantil di tumba, ta canta asina dushi cu ta pone bo curpa haña "Kippevel". Despues di carnaval Aruba lo bay sigui tende di Sulaika keda pendiente, y laga nos dune hopi apoyo mañan.



Mañan solo lo bay briya riba Mighty Head Roadmarch king juvenil su corona. Hopi biaha e talentoso cantantenan di calypso juvenil ta ser lubida despues di carnaval. DEN AMBIENTE ta spera cu e joven aki no lo ser lubida y durante aña un di e grandinan den farandula por compone y graba un cancion comercial pe, pa asina e keda den farandula.